

sint : 1) filii eorumve descendentes ; 2) parentes ; 3) fratres eorumve descendentes ; 4) avi ; 5) fratres et sorores parentum eorumve descendentes ; alioqui alius proximus consanguineus ; 6) post omnes fiscus. ¹

Representatio admittitur ex jure communi tum in linea recta tum in linea collateralis et sine ulla limitatione. Quando autem omnes hæredes sunt in eodem gradu consanguinitatis quoad defunctum, successio fit **PER CAPITA** ; e contra quando hæredes sunt in diverso gradu, successio fit **PER STIRPES**. ²

215-218b. — **Partitio hæreditatis** fit ab administratore juxta leges uniuscujusque Status. Sed ut æqualitas inter hæredes servetur, ordinarie imponitur **collatio** : cui applicari debent ea quæ dicta sunt n. 216.

222b. — Attamen in aliquibus Statibus habetur **restrictio** quædam **facultatis testandi**. Hinc si testator relinquat superstitem uxorem, aut prolem, aut parentem, pia legata non debent excedere $\frac{1}{4}$ bonorum in IOWA ; $\frac{1}{3}$ in CALIFORNIA, GEORGIA et MONTANA, et $\frac{1}{2}$ in NEW-YORK et WISCONSIN. — IN LOUISIANA, si habeatur superstes proles una, pater vel mater, pia legata non debent excedere $\frac{2}{3}$ bonorum ; si habeantur duæ proles, non debent excedere $\frac{1}{2}$, et si tres proles habeantur superstitibus, non debent legata pia excedere $\frac{1}{4}$ bonorum : legata autem quæ excedunt quotam partem, non sunt caduca, sed ad partem lege assignatam reduci debent. — Tandem in MISSISSIPPI, legata pia, quæ fiunt ex bonis immobilibus aut ex pecunia per talium bonorum venditionem obtenta, declarantur nulla. ³

223b. — *Jure autem americano, inhabiles* declarantur tantum minores et uxores. — Attamen quoad minores notandum est haberi modificationes pro diversis Statibus. Hinc in ALASKA, ARIZONA, DELAWARE, INDIANA, IOWA, KENTUCKY, MAINE, MARYLAND, MASSACHUSETTA, MICHIGAN, MINNESOTA, MISSISSIPPI, NEBRASKA, NEW-HAMPSHIRE, NEW-JERSEY, NORTH CAROLINA, OHIO, OKLAHOMA, PENNSYLVANIA, VERMONT, WEST VIRGINIA, WYOMING, non porsunt testamentum condere illi qui nondum ætatem vigesimi primi anni adepti sunt.

1. Lehmkühl, I, n. 1387.

2. Konings, n. 905.

3. Hubbell, Legal Directory ; Slater, I, p. 570.

*Andemai
in Georgia 21754B*